

KATCHINIKE SEANIKO NIGOPATANI

JANGGI TANGANIKO DINGTANGATNA SASTROKO PORAIANI!

BON·KAMAGIPA WA·AL KAMANI

Aba. 19:1-29

GOLPO...



Abraham u·ina gita manaha je uni gritang dal·bea gualaniko dakenga maina Lot an·tangni nokdang baksa Sodomona jitangna baseaha. Jordanni a·kaweni songjinmarang namen nitobeachim aro samsirang bang·achim, indiba uarango namen namgijaniba gapaiachim. “Ua Sodomni manderang namjabechim, aro Jihovani nikani papibegiparang ong·achim.” Abachenga 13:13. Bon·kamao, Isol ia papibegipa songjinmarango uamangni mitchigni kamrangna nisiatna miksongaha, indiba skanggipa Ua sakgni sa·grerangko Lot aro uni nokdangko jokatna watataha.

Sodomona napna skang, ia sa·grerang sakgni songreenggipa manderang dake an·tangtangko mesokaha. Jensalo uamang skanggipa changna songjinmani cholgugarang gita napon Lot ia sakgni chananggipa agitalrangko nikaha, aro namgijagipa songjinmani ramarang walode kenani donga ine u·ie, ua uamangko an·tangni nokona katnapchina mol·molaha. Indiba namgijagipa manderang uamangko nie dongenga aro ua attamo uamang Lotni do·gaona re·bae uni agital manderangko rimongkatbachina draaha jedakode uamang uamangko namgija dakna man·gen. Lotni namgijagipa manderangko champengna jotton

ka·aniara indin ong·aiaha. Uamangni namgija gisikara batesa bilakbataha, aro ru·utgijan mande jinmara Lotko ka·mikenataha! Ia somoio, sa·grerang an·tangtangko u·iatgija donuchana man·jaha. Uamang Lotko nokningchina salnapaha aro do·gacholo donggipa manderangko kana ong·ataha.

Salgipinno pringwalni, sa·grerang Lotna aro uni nokdangna aganaha, “Janggi jokkande katbo! Ja·manchiko nipilnabe ... a·briona katangbo; nang·ko so·otnaba donga.” Abachenga 19:17. Lot aro uni sakgni segipa kimkugijagipa demechikrangsang janggi jokaha, maina uni jikgipa janggilchiko Sodomchina nipilate karini krong pil·aha. Isolni Katta an·chingna aganaha je bon·kamani salrangko a·gilsakni obostarang Sodom gita ong·gen aro sasti on·ako man·gen!



PORAIANI

Satroni podko poraie bangbangrango gapatbo.

1. Badia damgni songjinmarangko namgijani gimin nisiataha ine dake mesokaniko on-aha?

2 Pitor 2:6 *Aro _____ aro _____ songjinmarangko tapra pil-ate toromi ong-gija ong-gnigiparangna uarangko dake mesokaniko donenba, pangpikna bichal ka-e on-ahaode.*

U-IE RA-ANI: Isol ua damgni songjinmarangko jringjrotni wa-alchi nisiataha-apsan rokom wa-alan denggurangko noroko nisiatgen.

2. Basako denggurang noroko nisiataniko man-tokgen?

2 Pitor 2:9 *Indide olakiatna aro toromi ong-gijarangko _____ kingking sastio rakkina Gitel changa.*

Johan 12:48 *Angni agana kattan _____ uko bichal ka-gen.*

Mati 13:40-42 *Uandake _____ ong-gen. Mandeni Depante an-tangni sa-grerangko watatgen, aro uamang uni songnokoniko pilak ja-gitodanirangko, aro namgija dakgiparangko chimonge wa-alni a-kolo uamangko galgen.*

U-IE RA-ANI: Kosako on-gipa podrango, Sastro rongtalbee agananiko daka je namgijako dakgiparang a-gilsakni chon-kamao bichalni salo wa-alo galako man-gen - uamangni siani somoio ong-ja. Ian da-ode darangba noroko dongkuja ine rongtalbee miksongani ong-a. Ian bichal ka-anio sakantini dosko sandianiko dakuja dipetde darangkoba sasti on-jawa ine krae dakanisan ong-a. Kristoni Gnigipa re-bapilanosia manderang boksisi ba sastiko man-gen, una skangde ong-jawa (Parape-a 22:12).

3. Sigmin denggurang noroko ong-kujaode, banosa uamang da-o ong-enga?

Johan 5:28, 29 *Jensalo _____ donggipa _____ uni ku-rangko knagen, aro namarangko dakgiparang janggini chakatpilaona, aro namgijarangko dakronggiparang bichalni chakatpilaona ong-katgen indaka sal re-baenga.*

Job 21:30, 32 *Denggugiparangko nisiatani salo rakkiako man-a; ... aro uade _____ ripeangako man-a, aro _____ kosako nitima gnang.*

U-IE RA-ANI: Sastro an-chingna ka-donganiko on-aha je sigimin denggurangko goprano a-gilsakni chon-kamao chakatpilkujana kingking ripinge donaha. Uamang Jisuni okamani ku-rangko knagen aro gopramoni ong-katbagen, indiba norokni wa-alonide ong-ja.

4. Papni boksis, ba sastiara maia?

Romrangna 6:23 *Maina papni dormaha _____, indiba Isolni ka-sae on-aniara an-chingni Gitel Kristo Jisuo jringjrotni janggi ong-a.*

U-IE RA-ANI: Papna sastiara norokni wa-alo janggi tanga gimik jringjrotna ong-ja, indiba uni bikpilsa chong-motan siasa ong-a. An-ching pilakan skanggipa sianiko sigen (Ibri. 9:27), indiba Sastro agana je sianion denggu dakgiparang sigen uan gnigipa siani ong-a (Para. 21:8). Skanggipa siaoni, pilakan sastina ba man-pilskaanina chakatatako man-gen; indiba gnigipa siaoni chakatpilani dongjawa. Ian bon-kamgipa ong-gnok. Unbaksana, papna sastiko on-aniara norokni wa-alo jringjrotna ong-genchimode, indide Jisu papni sastina gama ga-akkuja.

5. Pilak manderangna maia minggni baseanirangsan dongjaia?

Johan 3:16 *Maikai Uo bebera-gipa sakanti _____ man-gen.*

U-IE RA-ANI: Limbo chong-motan sigimini janggirang salgi aro a-gilsakni gisepo donganiko bebera-ani aro purgatory chong-motan janggi chiripramko bebera-ani Sastroo janapani dongja. Sastroo minggni baseanirangko dakani gimin skianiko daka-jringjrotni janggi ba jringjrotna siani (Deuteronomy 30:15).

6. Norokni wa-alo denggurangna mai ong-gen?

Gitrang 37:10, 20 *Maina on-tisa sal ong-kugen, unon namgija dakgipa dongjawaha; ... Indiba namgijako dakgiparang _____; ... wal-kuo uamang _____.*

Malaki 4:1, 3 *Maina, nibo, chankol gita kamgipa sal re-baenga, ... aro pilak gaorade-gipa aro pilak denggu dakgipa megap gita ong-gen. Re-bagnigipa sal uamangko _____, ... Aro na-a denggugiparangko ga-bekgen, Maina angni donsogimin salo uamang na-simangni ja-pani ning-o tappra ong-gen.*

U-IE RA-ANI: Namgijakko dakgiparang noroko wal-kuo bon-anggen. Tapprasan dongrikaigen.

LESSON 13

7. Bano norokni wa-alara donga?

Parape-a 20:9 *Uamang _____ doangaha aro rongtalgiparangni a-tipko ...duulaha ... Unon wa-al salgioni ong-onbae uamangko minokaha.*

2 Pitor 3:10 *Dakgiminrang kame jronggen; _____ kamrangko kamgen.*

U-IE RA-ANI: Norokni wa-alara ia a-gilsakon ong-gen, maina ian a-gilsakko kamgen.

8. Diabolan norokni wa-alko simsakgipa ong-genma?

Parepe-a 20:10 *Aro uamangko brangatgipa Diabolko, wa-alni aro gondokni _____.*

U-IE RA-ANI: Ong-ja! Norokni wa-alko simsakgipa ong-ana bateba, diabolkko wa-alo galgen. Ian uko bon-chotao, "a-ani kosako, tappra pil-ataha," aro Isol Satanni gimin indine aganaha, "Aro na-a dongjawaha." Ezekiel 28:18, 19.

9. Norokni wa-alko kimitna man-jawama?

Isaia 47:14 *Ding-atna _____ ba _____ chakna wa-al ong-jawa!*

U-IE RA-ANI: Papni ja-mano, papirang, aro a-ao donggipa pilakan kamchonatako man-gen, wa-al kimitako man-gnok. Uan chasongjolgimiknade kamjawaha. Sitengtoate duk on-gipa jringjrotni norok ong-ode papko gimaatna man-jawachim. Papko dingtangatna aro uko nisiatsranganian Isolni miksongani ong-a, uko ripingnade ong-ja. Parape-a 21:5 o agana, "Nibo, anga pilakkon gital daka."

10. Janggi aro be-en minggnian noroko nisiatako man-ama?

Mati 10:28 *Je manderang be-enko so-ota, indiba janngiko so-otna amja uamangna daken; indiba _____ noroko nisina amgipana kenbo.*

U-IE RA-ANI: Bang-an janggide sina mamungsaloba man-ja ine bebera-a, indiba changgnina kingking Isol agana, "Pap ka-gipa mande sigen." Ezekiel 18:4, 20. Sastroni gitade denggu mandeni janggi aro be-en norokni wa-alo nisiatako man-gen.

11. Sakosa norokni wa-alara kamgen?

Mati 25:41 *Unon uan ingen, O na-simang sao man-giparang _____ aro uni sa-grerangna daksoa jringjrotni wa-alona angoni re-angbo.*

U-IE RA-ANI: Wa-alni miksonganide Satan, uni sa-grerangko, aro papko gimaatsranganian ong-a. Anga papni sabisiko engna jechakode, angara unbaksa nisichapaniko man-na nanggen, maina papko gimaatjaode, ian a-gilsak gimikko ong-siattaigen.

12. Isolni dengguranko nisiatani gimin Sastroo maikai janapaniko daka?

Isaia 28:21 *Maina, Jihova ... ka-onanggen ... maikai uni kamko, uni dakronggija kamko, Uni dakaniko, Uni _____ Ua chu-sokatna man-gen.*

U-IE RA-ANI: Isol An-tangni ka-sagiparangko nisiatna chanchianiko chakna man-ja. “Saniba saniba ka-sinnika, gita, Gitel an-tang ku-rachakani gimin ka-sinja; indiba na-simangni chakchikgipa, ua saksani gimaaniko nangnikja.” 2 Pitor 3:9. Ua pangnan uamangna aganenga, “Na-simang an-pilbo, an-tangtangni namgija re-anirangoni an-pilbo; maina na-simang maini gimin sigen?” Ezekiel 33:11 Manderangko nisiataniko dakania Isolni dakanirangonide namen gitalgipa ong-a je norokni wa-alde Unade “Dakronggijagipa kam,” ong-a. Isol manderangko jokatna skaoniko mamungkoba watchanggalja. Uamang gimaatako man-na skang, denggu dakgipa sakantian Isolko krae bichal ka-gipa ine ku-rachakgen (Romrangna 14:11).

13. Sastroo agangipa kata “kimitna amgijagipa wa-al” ara wa-alko mamungdakeba kimitna amgijagipa ine miksongama?

Mati 3:12 *Ua an-tangni nakramko namedake rongtalatgen, aro an-tangni miko jamo chimonggen, indiba bebuko kimitna amgijagipa _____*

U-IE RA-ANI: Kimitna amgijagipa wa-alko kimitna am-jawa ong-ja! Indioba, jensalo kama matchotohaode, uan siaijok. Mesokatna gita, Jeremia 17:27 o mikrakataniko daka je Isolni manderang kakket bebe ong-jaode, Ua Jerusalemko wa-al so-gen jekon “kimitna man-jawa.” Aro Sastro ia katchinike agansoaniko chu-sokaha ine parakaha. “Aro uamang Isolni nokko so-aha, aro Jerusalemni guareko pe-e galaha, aro pilak rajani nokrangko wa-alchi so-aha, Jeremiani ku-sikchi Jihovani katako chu-sokataha.” 2 Serikani 36:19, 21. Ua wa-alko pilakko kame matchotjana kingking kimitna man-jaha; uni ja-manosa wa-al kimitaha. Sastroo uko kimitna man-gijagipa wa-al ine aganoba, ua da-alona kingking kame dongjaha.

14. “Jringjrotni wa-al” ingipara “bon-gijagipa” ine miksongama?

Juda 7 *Uandake Sodom and Gomorra, ... _____ sastiko man-e dakmesokani ong-ataha.*

U-IE RA-ANI: An-ching Sastroko an-tangan talatchina on-na nanga. An-ching ia podo nikna man-a je norokni wa-alni gimin mesokatna gita Sodom aro Gomorrara jringjrotni wa-alchi nisiataniko man-aha, indiba ua songjinmarang da-ona kingking kame dongjaha. Uarang tappra changaha (2 Pitor 2:6), jekon jringjrotni wa-al dakaha. Ian sastiko man-anio jringjrotna ong-aha. (“Man-e Cha-gipa aro Lazarus” ine poraidapna on-gipako nibo).

LESSON 13

15. Jensalo Parape-a 20:10 o indake janapaniko dakon “jringjrotna kingking” iara bon-changgijagipa somoiko miksongama?

Jona 2:6 *A-a an-tangni patrarangchi angko _____ tekchangaha.*

U-IE RA-ANI: Ong-ja. Jona dal-gipa natokni oko salgittam aro walgittamnasan dongahachim (Jona 1:17), indioba ua “jringjrotna” ine aganaha. Anga bebera-a je ian jringjrotna ong-aha gita nikpilaha! Parape-a 20:10 o Greek kata “jringjrotna” ingipara “aion” ong-a jeonikon an-ching “eon” ingipa kattako man-aha. Ian dingtangmancha dake somoi kapgijjaniko mesoka. “Jringjrotna” ingipa kattako Sastroo chang 56na kingking janapaniko dakaha jean maiba matchotmaniko ba bon-ani gimin agananiko daka. Minggipin gita mesokanio “jringjrotna” ingipara bebegipa nokkolni janggi tanganiko talata (Reo. 21:6), aro minggipino “jringjrotna” ingipara chasong 10 ko miksonga (Deuteronomy 23:3). Mandenade, “jringjrotna” ingipa kattako “tanga dipet,” (1 Samuel 1:22, 28) ine jakkalronga

16. Pap aro papirangko nisiatani ja-mano, maiko Jisu An-tangni manderangna dakgen?

2 Pitor 3:13 *Indiba Uni ku-rachaka gita, an-ching gital salgirang aro _____ jeo torom dongkama.*

Parape-a 21:4 *Aro Ua uamangni mikrononi pilak mikchiko u-sitgen; aro siani ong-jawaha, kalimani, aro chrikani, aro _____ ong-jawaha. Skango ong-giparang re-angaha.*

U-IE RA-ANI: Ia rongtalgimin a-gilsakni tapprani kosako, Isol gital salgirangko aro a-gilsakko ong-atgen. Ua katchaaniko, tom-tomaniko, aro talatna amsokgijagipa kusi ong-aniko pilak janggi gnanggiparangna jringjrotna ku-rachakaha.

17. Papchi neng-nikataniara dongtaikugenma?

Nahum 1:9 *Duk changgni _____.*

U-IE RA-ANI: Ong-ja! Ku-rachakaniara dingtangman.

Isaia 65:17 *Maina, nibo, anga salgi gital, aro aba gitalko ong-ata; aro skanggipa ong-anirangko gisik ra-jawaha.*

18. Maia ning-tue chanchina nangatgipa sing-aniko Job sing-aha?

Job 4:17 *Mande Isolna bate _____ ong-genma?*

U-IE RA-ANI: Nang-ni depante mande so-otrakgipa ong-ode, ua sastiko man-na nanga ine na-a chanchijawachima? Na-a chanchigenchim. Indiba na-a uko manggiting chaktopilgija salsanaba wa-alo so-e galaniko nangnikgenma? Oe nangnikjawa. Na-a uko ninapjawa. Ka-sagipa Gitelba An-tangni dedrangni indakpile saknaaniko nikna sikjawa. Uan dakgrikao so-otana bateba nambatjawa. Isolara indakgipa ong-ama? Ong-ja! Jringirotna kamgipa norokni wa-alara Isolna chaktogjjani ong-genchim aro iara Uni ka-saani cholon aro kakket bichalni ka-ani kosako ong-genchim.

NANG·NI AGANCHAKANI

Pilkna bateba, Jisu nang·ko Uni rasongari dakgipa gital songnoko donganiko nangnikenga. Ua nang·ko Uni nang·na daksogimin biapo dongatna nangnikenga. Na-a Uni on-aniko ra·chakna da·o miksongganiko dakjawama?

AGANCHAKANI: _____

PORAIDAPANI

Ia bak poraidapaniko dakna u-iatdapaniko on-a.

Man-e Cha-gipa aro Lazarus

Bang-an man-e cha-gipa aro Lazarusni gimin toe agananiko manderangni siani ja-mano salgichi ba norokchina re-anga ine sakki on-na jakkalronga. Ia golpode Jisuni jakkalna miksonggipade ong-jachim. “Norok” ingipa kattana Jisu “Hades” kattako jakkalaha jeni miksonganide Greekni aganritinggipa golpoo namgijako dalgipa manderangko sasti on-ram ine ong-achim. Ia agananiko knatimenggipa pilak Jihudirang indake ma-siskaha je Jisuara miksonganiko talatna aganritingbagipa golpoko jakkalenga. An-ching Luk 16:19-31ko namedake niatode, anching bakan indake nikna man-gen je ia toe agananiara chinrangan gapaia jekon Jisu mamungdakeba iako chong-mot ong-e ra-chinade miksongjaha.

- Mesokatna gita, jokgiminrang pilakan Abrahamni ka-bako dongengama? Ong-ja.
- Salgio aro noroko dongenggipa manderangni gisepo agangrikna man-genma? Ong-ja
- Tingtotsa chi noroko kamenggipa mandeko ka-sinatna man-genma? Ong-ja.
- Sawa jokaha aro sawa gimaaha uko Abraham chanchie donahama? Ong-ja.

Apsandake, ia toe aganani manderangko a-gilsak bon-ao bichal ka-na skang siode sawa salgichi re-gen ba noroko gimagen iani gimin skinade jakkalna man-ja. Johan 12:48 o agana, “Angko gale angni kattako knachakgijagipako bichal ka-gipa gnang.”

Indide ia toe agananiara maiko miksonga? Man-e cha-gipara Sastroo aldumitangako man-gipa Jihudi jatko miksonga, indiba do-gacholo bi-ame cha-gipara Gipin Jatrangko miksonga jean Isolni kattana okkriengachim. Jisu ia toe agananiko chanchianiko dakan baksa matchotataha chong-motan “Mose aro katchinkgiparangko knachakjaode, indide sigiminrangoni saksa tangchapiloba uamang skiako ra-chakjawa.” Luk 16:31. Beben Jisu bon-kamao Lazarus minggipako siaoniko chakatatahaoba, bang-a Jihudi dilgiparang bebe ra-nan man-jaha (Johan 12:9-11).